

ԸՆԴՈՒՆԵԼ ՈՒԹՅՈՒՆՆԵՐ ՄԸՅՐ ԸԹՈՌՈՒՄ

ՄԱՐԾԱԼ ԲԱՂՐԱՄՅԱՆԻ ՀՈՐԵԼՅԱՆԻ ՀԱՆԴԻՍՈՒԹՅԱՆ
ՄԱՍՆԱԿԻՑՆԵՐԸ ՄԱՅՐ ԱԹՈՌ ՍԲ. ԷԶՄԻԱԾՆՈՒՄ

Նոյեմբերի 21-ին Մայր Աթոռ Սբ. Էջմիածին այցելեց մարշալ Բաղրամյանի 100-ամյա հոբելյանի հանդիսության առիթով Հայաստան ժամանած պատվիրակությունը՝ բարձրաստիճան գինվորականներ և վետերաններ Ռուսաստանից, Բելառուսից, նախկին ԽՍՀՄ այլ հանրապետություններից՝ գեներալ-մայոր Մարտիրոսյանի ուղեկցությամբ։ Նորին Սրբաթյուն Գարեգին Ա Կաթողիկոսը ողջունեց եղբայրական երկրների մասնակցությունը հոբելյանական հանդիսություններին՝ այն դիտելով ԱԳՀ երկրների զինված գինվորական ուժերի միջև գոյություն ունեցող եղբայրական հարաբերությունների արտահայտություն։

Վեհափառ Հայրապետը նշելով հայ և ռուս ժողովուրդների դարավոր բարեկամությունը, այն համոզմունքը հայտնեց, որ այն կշարունակվի նաև ապագայում։

Հյուրերին ներայացնելով Հայոց բանակի հոգևոր խորհրդական հայր Վրթանեսին, Վեհափառ Հայրապետը ընդգծեց նաև զինվորականների ու հոգևորականների միջև գործակցության անհրաժեշտությունը, որոնք մի դեպքում ունեն Աստծու տված կյանքը պաշտպանելու և մյուս դեպքում այն հոգևորապես արժեցնելու առաքելություններ։

Հանդիպման ավարտին Վեհափառ Հայրապետն իր օրհնությունը տվեց բոլոր հյուրերին։

ՎԵՆԵՏՈ ՄԱՐԶԻ ՊԱՏՎՈՐԱԿՈՒԹՅՈՒՆԸ ԱՅՑԵԼԵՑ ՄԱՅՐ ԱԹՈՌ ՍԲ. ԷԶՄԻԱԾԻՆ

Դեկտեմբերի 12-ին Նորին Սրբաթյուն Գարեգին Ա Կաթողիկոսը Մայր Աթոռ Սբ. Էջմիածնում ընդունեց Իտալիայի Վենետո մարզի ձեռնարկատերերի պատվիրակությանը՝ մարզի կառավարության փոխնախագահ Բրունո Կանելլայի գլխավորությամբ։ Պատվիրակության կազմում էին Պադովայի տոնավաճառի գլխավոր ֆարտուղար Մանֆրեդ Նոյմանը, Պադովայի փոֆր և միջին ձեռնարկությունների կոնֆեդերացիայի փոխֆարտուղար Ֆրանկո Կոնցատոն, CNA VENETO-ի ներկայացուցիչ Ստեֆանո Ֆարրիսը, Հայաստանում Իտալիայի հյուպատոս Անտոնիո Մոնտալանո։

Նորին Սրբաթյունը պատվիրակությանը պատմեց Հայ Առաքելական Եկեղեցու ներկայիս գործունեության և մասնավորապես Եկեղեցու կողմից իրականացվող զարգացման ծրագրերի մասին։

Ինչպես հավաստեցին հյուրերը, այդ ծրագրերին իրենց աջակցությունը կբերեն նաև իտալացի ձեռնարկատերերը։